



SAKSFRAMLEGG

Saksnr:	Utval:	Dato
06/2023	Formannskap/plan- og økonomiutvalet	17.01.2023

Sakshandsamar:	Arkiv:	ArkivsakID
Tore Henrik Øye		22/1352

SØKNAD OM TILSKOT FRÅ NÆRINGSFONDET TIL TANKVOGN FOR HUSDYRGJØDSEL. FELLESTILTAK

Vedlagte saksdokument:

Søknad til Vaksdal Kommunale Næringsfond om tilskot til tankvogn for husdyrgjødsel
Kvittering møkavogn Gaute
20221020_141425 Lars
IMG_20221102_0002 Magnar

Kommunedirektøren sitt framlegg til vedtak:

Formannskap, plan og økonomiutvalet (FPØ) løyver inntil kr. 78 000,- i tilskot frå Vaksdal Kommunale Næringsfond til føretaka Gaute Øvstedal, Lars Bjarte Nesheim og Magnar Nese ved innkjøp av felles tankvogn for spreiring av husdyrgjødsel/gylle på jordbruksareal i Eksingedalen.

Løyvinga er gjeve med bakgrunn i fondsvedtektene § 2 «Formål».

Tilskotet utgjer 30 % av godkjent kostnad på kr. 260 100,- eks. mva., og vert knytt til dokumentert kostnad. Lågare kostnad kan gje lågare tilskot.

Tilskotet vert betalt ut etter innsendt sluttrapport med kostnadsdokumentasjon.

Løyvinga gjeld til og med 01.10.24. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Vaksdal Kommunale Næringsfond skal nyttast til å fremje næringsføremål i kommunen, inkludert primærnæringa, jf. fondsvedtektene § 2 «Formål».

Formannskapet-/plan- og økonomiutvalet (FPØ) er fondsstyre, og tildeler midlar etter innstilling frå administrasjonen.

Landbruksføretaka Gaute Øvstedal, Lars Bjarte Nesheim og Magnar Nese søker om kr. 78 000,- i tilskot frå kommunalt næringsfond til innkjøpt tankvogn for spreiring av husdyrgjødsel på jordbruksareala som føretaka disponerer. Søknadsbeløpet utgjer 30 % av innkjøpskostnaden på kr. 260 100,- eks. mva.

Kommunedirektøren går inn for å løyve inntil kr. 78 000,- i tilskot frå næringsfondet til investeringa. Tildelinga vil utgjere 30 % av budsjetttert kostnad, som er maksimal tilskotssats i høve fondsvedtektene § 4 «Stønadsvilkår».

Bakgrunn for saka

Vaksdal Kommunale Næringsfond skal nyttast til å fremje næringsføremål i kommunen, inkludert primærnæringa. Prosjekt/tiltak som medverkar til nyskaping og moglegheit for sysselsetting, skal prioriterast, jf. fondsvedtektene § 2.

Fondsstyret, ved Formannskapet/plan- og økonomiutvalet (FPØ), fattar vedtak om løyving frå fondet, etter innstilling frå administrasjonen.

I søknad av 20.10.22 søker føretaka Gaute Øvstedal, Lars Bjarthe Nesheim og Magnar Nese om kr. 78 000,- i tilskot frå kommunalt næringsfond til å delfinansiere innkjøp av felles vogn for transport og spreining av husdyrgjødsel/gylle på grasareal i Eksingedalen. Vogna er av typen Doff X11. Den er kjøpt brukt, og teken i bruk. Søknadsbeløpet representerer 30 % av innkjøpskostnaden på kr. 260 100,- eks. mva.

Søkjarane driv gardbruk på Nesheim og Brakestad i Eksingedalen, høvesvis gbnr. 65/2, 65/4 og 66/2. Føretaka har jordbruk som hovudnæring, med mjølke- og kjøtproduksjon, og disponerer kring 800 daa med dyrka mark til saman, fordelt mellom fleire grender i dalføret. I dette høvet er det trong for ei funksjonell vogn med stor kapasitet, for effektiv og rasjonell utkøyring, sidan det til dels er lang køyring, både ved mellomlagring og spreining av gjødsel. Investeringa vil difor gjere gjødselhandteringa enklare i følge seekjarane, samstundes som utstyrssamarbeidet gjev reduserte kostnader per føretak og ei høgare utnytting av vogna, samanlikna med om kvar einskild skulle ha si eigen vogn.

Det kom inn 9 søknadar ved søknadsomgangen i november 2022, med ein spesifisert søknadssum på kring 2,2 millionar kroner. To av seekjarane hadde ikkje oppgjeve søknadssum, jf. oversyn som orienteringssak til sakshandsaminga.

Formelt grunnlag:

- Vedteker for Vaksdal Kommunale Næringsfond, revidert av kommunestyret den 14.06.22.

Vurdering og konsekvensar:

Søknaden er vurdert å vere tilstrekkeleg opplyst for sakshandsaming og vedtak, jf. fondsvedtektene § 4 «Stønadsvilkår». Seekjarane innfrir kravet til å vere næringsdrivande, med registrerte føretak i Brønnøysundregistrene, jf. § 2 fjerde avsnitt.

Kommunedirektøren vurderer at investeringa i vatningsvogn er i tråd med næringsfondet sitt føremål om å fremje næringsverksemd i kommunen, jf. § 2. Seekjarane driv næringsretta mjølke- og kjøtproduksjon, der god tilgang på grovfôr er avgjerande for drifta og lønsemda. I dette høvet vil effektiv og rasjonell utkøyring av husdyrgjødsel representere ein stor fordel, både når det gjeld tidsbruk og økonomi. I ein slik situasjon vil seekjarane ha felles nytte av vogna, og Kommunedirektøren vektlegg samarbeidstiltak ved søknadshandsaming.

I følge vedtektene § 2 tredje avsnitt, kan midlar frå næringsfondet berre nyttast til investeringar i varige driftsmidlar eller andre produksjonsfremjande tiltak. I dette høvet vert utkøyring av husdyrgjødsel sett på som ein viktig innsatsfaktor, og vurderinga er at vilkåret for tildeling av tilskot,

er innfridd.

I følge vedtektene § 4 skal samla finansiering frå fondet, som hovudregel, ikkje overstige 30 % av den totale kapitaltrongen for eit prosjekt. Kommunedirektøren finn grunnlag for å gjere nytte av øvre, prosentvis finansiering, med framlegg om kr. 78 000,- i tilskot, i tråd med søknaden. Innstillinga er vurdert opp mot andre innkomne søknadar, fondssaldo og tilgjengeleg fondskapital.

Det er teke høgde for at tankvogna er kjøpt inn og teken i bruk. I utgangspunktet ville det vore naturleg å finansiert innkjøpet gjennom Vaksdal Landbruksfond, men fondet har ikkje vore tilgjengeleg for tildeling dei siste åra, grunna kravet til bunden grunnkapital (1,7 millionar). Fondet, med fondssaldo, er no overført til næringsfondet, og midlane er soleis gjort tilgjengelege for tildeling.

Vedtektene prioriterer felles innkjøp av maskinar/utstyr, med samarbeid mellom gardbrukarar.

Konklusjon:

Kommunedirektøren gjer framlegg om å løyve inntil kr. 78 000,- i tilskot frå Vaksdal Kommunal Næringsfond til innkjøp av tankvogn for spreiding av husdyrgjødsel. Tilskotet vert vurdert å vere i samsvar med føremålet for fondet, jf. vedtektene § 2.